

ESKORIATZAKO UDALA

IRAGARKIA

2023ko maiatzaren 18ko Alkate erabakiz, deialdia egin da “ESKORIATZAKO ESTABLEZIMENDUETAKO ERROTULUAK EUSKARAZ JARTZEKO, ETA IRUDI KORPORATIBOA EUSKARAZ SUSTATZEKO DIRU LAGUNTZAK (2023)” emateko, eta, era berean, 1.500,00 €-ko gastua onartu da indarrean dagoen aurrekontuko 0500.471.431.00.01. aurrekontu aplikazioaren kargura.

Eskoriatza, 2023ko maiatzaren 23a. ALKATEA,

ESKORIATZAKO ESTABLEZIMENDUETAKO ERROTULUAK EUSKARAZ JARTZEKO, ETA IRUDI KORPORATIBOA EUSKARAZ SUSTATZEKO DIRULAGUNTZAK ARAUTZEKO OINARRIAK.

2020ko martxoaren 17an, Eskoriatza Udalaren 2020-2023 Dirulaguntzen Plan Estrategikoa onartu zen, eta Udalbatzarrak 2022ko abenduaren 20ko Osoko Bilkuran eta 2023ko martxoaren 28an hartutako erabakien bidez eguneratu dago. Plan horretan ildo estrategikoak jasotzen dira, eta horietako 7. zenbakia Sustapen Ekonomikoa eta Soziala izenekoa da. Lerro honen D atalean jasotzen dira Negozioen sustapena: euskaraz errotulatzeko eta irudi korporatiboa hobetzeko dirulaguntzak.

1. Helburua.

Oinarri hauen helburua da udalerriko saltoki, ostalaritza-establezimendu eta enpresatan errotuluak euskaraz jartzeko eta irudi korporatiboa hobetzeko emango diren dirulaguntzak arautzea.

2. Organo eskuduna.

Oinarri hauek onartzeko organo eskuduna Alkatea da (Toki Araubidearen Oinarriak arautzen dituen apirilaren 2ko 7/1985 Legearen 22.2.e artikuluan aurreikusitakoaren arabera).

3. Araudi aplikagarria.

Oinarri hauek eta dirulaguntzak ematerakoan indarrean dauden gainerako arauak arautuko dituzte dirulaguntza hauek eta baita onuradunaren eta erakunde emailearen arteko harreman juridikoa ere.



Oinarri hauetan aurreikusi gabekoetarako honako hauek aplikatuko dira:

- Eskoriatzako Udalak dirulaguntzak emateko erregimena arautzen duen Ordenantza Orokorra (Gipuzkoako Aldizkari Ofizialean 85. zenbakia, 2021eko maiatzaren 10a).
- 39/2015 Legea, urriaren 1ekoa, Administrazio Publikoen Administrazio Prozedura Erkidearena.
- Diru laguntzei buruzko azaroaren 17ko 38/2003 Lege Orokorra (Estatuko Aldizkari Ofiziala: 2003-11-18) eta lege hori garatzeko uztailaren 21eko 887/2006 Errege Dekretuaz onartutako Dirulaguntzei buruzko Erregelamendu orokorra.
- Euskadiko Toki Erakundeei buruzko apirilaren 7ko 2/2016 Legeak, eta, zehazki, 17.25) eta 17.26) artikuluek, honako hau jasotzen dutena udalerrien eskumen propiotzat: "Tokiko ekonomia- eta gizarte-garapena eta tokiko enplegu-politikak edo -planak"; "Euskararen erabilera sustatzeko udal-planak idatzi, onartu eta kudeatzea, lege honen 7. artikuluan xedatutakoa gorabehera".
- Diru laguntzei buruzko Eskoriatzako Udalaren 2020-2023 Plan Estrategikoa (2020ko martxoaren 17ko Gipuzkoako Aldizkari Ofizialean).

4. Diru izendapena.

Aurrekontu esleipena mila bostehun eurokoa (1.500,00 euro) izango da eta 2023rako honako aurrekontu-aplikazioaren kargura finantzatuko da: 0500.471.431.00.01.

5. Dirulaguntzaren zenbatekoa.

Oinarrietako baldintza guztiak betetzen dituztelako onartutako eskaeren artean banaketa proportzionala egingo da eskaera bakoitzak egiaztatutako gastua kontuan izanda.

Dirulaguntzak ezingo du inolaz ere gainditu egiaztatutako gastuaren % 100a.

6. Onuradunak.

Onuradun izan ahalko dira ondorengo baldintzak betetzen dituzten pertsona fisikoak, juridikoak eta baita ondasun-erkidegoak ere:

- a. Merkataritza edo ostalaritza jarduera bat Eskoriatzan egitea edo egiteko asmoa izatea.
- b. Jarduera hori egiteko udal lizentzia izatea.

URL	https://uzt.gipuzkoa.eus/PortalV/r/eu/34/AAAADBZQ7.Svyz
-----	---



- c. Azaroaren 17ko 38/2003 Legeko 13. artikuluko 2. eta 3. ataletan aipatzen diren dirulaguntzak jasotzeko debekuetatik batean ere ez egotea.

Izaera publikoa duten entitateei ez zaie dirulaguntzarik emango.

7. Diruz lagungarri izan daitezkeen gastu kontzeptuak

Egun dauden edo irekiko diren merkataritza edo ostalaritza establezimendu bakoitzeko aurrerago zehaztuko diren jarduerak diruz lagundu ahal izango dira, betiere, oinarri hauetan ezarritako baldintzak betez gero eta deialdiaren urteko urtarilaren 1a urriaren 31a bitartean egindakoak badira.

Diruz lagunduko diren jarduerak:

1. Errotuluak jartzea: errotulotzat hartuko dira fatxadan nahiz merkatal edo ostalaritza establezimenduaren ate eta kristaletan jartzen direnak.
2. Irudi korporatiboa hobetu eta sustatzea: irudi korporatiboko elementuak izan daitezke toldoak, bisita txartelak, zigiluak, fakturak, ibilgailuen errotulazioak, poltsak eta batzeko paperak edo antzeko elementuak.

8. Jarduerak betebeharreko baldintzak.

Errotulatzeko eta irudi korporatiboa hobetzeko dirulaguntzak jasotzeko ondoren aipatzen diren baldintzak bete behar dira:

1. Errotuluaren edo irudi korporatiboaren testua euskara hutsean egotea.
2. Errotuluan edo irudi korporatiborako sortutako materialean jardueraren izena agertzea (hau da, taberna, jatetxea, ile apaindegia, fruta denda ...).
3. Testua zuzen idatzita egotea.
4. Errotuluak jartzeko dirulaguntzak jaso ahal izateko ezinbestekoa da errotulua jartzeko baimena izatea.

9. Dirulaguntza eskatzeko modua eta epea.

Eskaerak sinatutako eskaera-orri bidez egin beharko dira, eta modu presentzialean nahiz digitalean eskura dagoen eskaera ereduari egokituta.

URL	https://uzt.gipuzkoa.eus/PortalV/r/eu/34/AAAADBZQ7.Svyz
------------	---



Eskaera presentzialak astelehenetik ostiralera, 9:00etik 14:30era aurkeztu ahal izango dira udalaren H@ZI Zerbitzuan, eta telematikoki asteko 7 egunez 24 orduz Herritarren Atarian.

Eskaerak aurkezteko epea 2023ko urriaren 31ra arte izango da iragarkia Gipuzkoako Aldizkari Ofizialean argitaratzen den biharamunetik kontatzen hasita. Azken eguna larunbata edo jaieguna balitz, hurrengo egun baliodunera luzatuko da epe amaiera.

Eskatzaileek ondorengo zinpeko aitortpena aurkeztu beharko dute:

1. Dirulaguntza eskaera orria. Orrian bertan aitortu beharko ditu honako hauek (onartu ezean, horiei buruzko dokumentazio espezifikoak aurkeztu beharko du):

—Ez duela hasita edo tramitean administrazioari dirua itzultzeko inolako prozedurarik.

—Ez duela sexu-diskriminazioagatik administrazio-zigorrik, ez zigor penalik.

—Bere xede edo helburuak ez direla emakumeen eta gizonen aukera-berdintasuneko printzipioaren kontrakoak.

—Beste erakunde edo organismo batzuei egindako dirulaguntza eskaerak edo horiek dagoeneko emandakoak.

—Ez duela 17/2003 Legearen 13.2 eta 13.3 ataletan jasotako debekurik.

—Zerga-betebeharrak eta Gizarte Segurantzarekikoak egunean dituela.

2. Jarriko den errotuluaren edo egingo den elementuaren testu eta diseinu proposamena. Dagoeneko errotulua jarrita edo elementua eginda badago, haren argazkia edo dagokion kasuan, irudi korporatiborako hobetzeko dirulaguntza eskatu denean, sortutako materialaren (orrien, txartelen, poltsen...) ale bana.

3. Gastuaren aurrekontua edo faktura (gastua eginda dagoenean).

Eskoriatzako Udalak zuzenean eskatuko dizkie beste administrazio batzuei eskatzaileak zerga-betebeharrak eta Gizarte Segurantzarekikoak bete dituela egiaztatze behar diren datuak. Eskatzailea eskaera-orrian horren aurka agertzen bada, zerga-betebeharrak eta Gizarte Segurantzarekikoak egunean dituela egiaztatzen duten agiriak aurkeztu beharko ditu.

Era berean, eskatzaileak errotulua jartzeko baimena baduela egiaztatuko da Eskoriatzako Udalean bertan.



Eskaera aurkezteak eskatzaileak oinarri hauetan ezarritako baldintzak osorik onartzea dakar.

10. Dirulaguntzak emateko prozedura.

Diru-laguntzei buruzko azaroaren 17ko 38/2003 Lege Orokorreko 22.2 artikuluan ezarritakoaren arabera, oinarri hauetako laguntzak ebaluazio bakoiztu erregimenean emango dira, Eskoriatzan, inor baztertu gabe, merkataritza, ostalaritza eta zerbitzuak orohar sustatu eta dinamizatu gura duten laguntza hauek izaera berezia baitute.

Norgehiagoka prozedura batean ez dago aukerarik alderatutako baloraziorik egiteko aurkeztutako eskaeren artean, eta, aurrekontu kontsignazioarena ez bada, beraien artean ezin da beste harreman elementurik ezarri. Dirulaguntzak emateko prozedura ofizioz hasiko da, Gipuzkoako Aldizkari Ofizialean argitaratuko den alkate erabakiz onartutako deialdiaren bidez.

11. Akatsak zuzentzea eta dokumentazio osagarria.

Eskabideak edo horrekin aurkeztu beharreko dokumentuek akatsik izanez gero edo osatugabeak badira, interesdunari, urriaren 1eko 39/2015 Legearen 68 artikuluan jasota bezala, hamar eguneko epea emango zaio antzemandako akatsak konpontzeko. Eta ohartaraziko zaio epea igarota horrelakorik egin gabe, eskariari uko egin diola ulertuko dela, Lege horretako 42.1 artikuluan aurreikusitako moduan.

Aurkeztutako eskaera egoki ebaluatu eta erabaki ahal izateko beharrezkotzat jotzen duen behar beste dokumentu eta informazio osagarri eskatu ahal izango die Udalak eskatzaileei.

12. Eskaerak tramitatzeak ardura duen administrazio unitatea.

Eskaerak Garapen Ekonomiko Jasangarriko administrazio unitateak tramitatuko ditu.

13. Prozedura eta erabakia.

Eskaerak aurkezteko epea amaitu ondoren, Garapen Ekonomiko Jasangarriko teknikariak aztertuko ditu eskaerak, eta dokumenturen bat faltako balitz, 10 eguneko epea emango da horiek aurkezteko.

Epe hori amaituta eskatutako dokumentazioa aurkeztu gabe, dirulaguntza eskaerari uko egiten zaiola ulertuko da.

Arloko teknikariak txostena eginda, Garapen Ekonomiko Jasangarriko batzorde informatzailean aztertuko dira.

Erabaki proposamena egin aurretik, Udalak, batzorde informatzailearen bidez, beharrezkotzat jotzen duen informazio osagarria eskatu ahal izango du.



Garapen Ekonomiko Jasangarriko batzorde informatzaileak dirulaguntza emateko proposamena egingo dio Alkateari, dagokion erabakia har dezan.

Erabakia ahalik eta epe motzenean hartuko da, gehienez ere eskaerak aurkezteko epea amaitzen denetik hiru hilabetera. Onartu ez diren eskaerak ere epe horretan jakinaraziko dira.

14. Dirulaguntza ordaintzeko modua.

Dirulaguntza emateko ordainketa bakarra egingo da, gastua egin dela eta betebeharrak bete direla egiaztatutakoan, eta dagokion organoak horrela agindutakoan.

15. Dirulaguntza justifikatzeko epea eta modua.

Dirulaguntzaren justifikazioa egin beharko da 2023ko azaroaren 1a baino lehen telematikoki edo presentzialki Eskoriatzako H@ZI zerbitzuan.

Dirulaguntza jasotzeko honako dokumentazioa eskatzen da:

- Egingako gastuen fakturak.
- Egingako errotulazioaren dokumentazio grafikoa (argazkiak).
- Irudi korporatiborako sortutako materialaren ale bana (sobre, txartel, orri...).

16. Bategarritasuna beste dirulaguntza batzuekin.

Udalak emandako dirulaguntza bateragarria izango da helburu bererako emandako beste edozeinekin.

Hala ere, dirulaguntza ezin izango da izan, bera bakarrik edo beste laguntza batzuekin batera, diruz lagundutako jardueraren kostua baino handiagoa.

17. Dirulaguntza aldatzea.

Dirulaguntza ematerakoan kontuan hartutako baldintzak aldatzen baldin badira edo helburu berarekin beste erakunde batzuk emandako dirulaguntzarik jasoz gero, horiek dirulaguntza emateko erabakia aldatzea ekar dezakete.

18. Dirulaguntza bertan behera uztea edo baliogabetzea.

Dirulaguntza berraztertzeko eta, hala bada, bertan behera uzteko arrazoia izango da dirulaguntza jasotzea eskatutako baldintzak bete gabe.



Onuradunak oinarri orokor hauetan, oinarri zehatzetan eta aplikagarri den gainerako araudian ezarritako edozein eskakizun edo betebeharrak ez betetzeak dirulaguntza jasotzeko eskubidea erabat edo partzialki galdutzat jotzeko aitorpena ekarriko du, eta baita dirulaguntza osorik edo partzialki, dagozkion berandutze interesekin batera, itzultzeko betebeharra ere.

Ez betetze horiek mailakatzeko proportzionaltasun irizpideak erabiliko dira, diruz lagundutako jarduerak guztietatik egindakoaren eta jasotako diruaren arabera kalkulatu direnak.

19. Oinarriak interpretatzea.

Oinarriak interpretatzerakoan eta garatzerakoan sor daitezkeen zalantzak Garapen Ekonomiko Jasangarriko batzordeak erabakiko ditu.